

聖

賢

像

贊



聖賢像贊序

聖賢像贊一書孫公贊而梓之
序之詳矣奚俟不佞復喋喋哉
不佞敢以重梓之意聊爲述曰
原帙甚大今也小之蓋取便夫
檢閱也分作上下二卷者以減



小而像贊各居一葉故也像則
無論其背向一居於左而贊則
右焉是贊緣像中生也仍各列
於半板者免錯綜之溷掀揭之
勞也若夫以訛傳訛久而愈失
其真吾恐繪士中未必無毛君

也又若論以春秋之法而有去
取此非予所敢予獨憾夫未備
也其間肇自盤古而迄於勝國
我朝則未之敢載也述此者錢唐
胡文煥時在萬曆癸巳春也

新刻歷代聖賢像贊卷上目錄

長永鄒
振錄西
諸君

盤古

神農

黃帝

顓頊

堯

伏羲

倉頡

少皞

帝嚳

帝舜



皋陶

契

啓王

伊尹

傅說

周文王

伯夷

后稷

大禹

商湯

商高宗

泰伯

武王

成王

周公旦

太公望

管大夫仲

子產

孔子 二像

曾子

伍大夫員

召公奭

康王

老子 聃

吳季子札

顏子

子游

子思

孟子

屈大夫 原

項王 羽

曹靜侯 參

韓淮陰侯 信

漢景帝

董江都 仲舒

莊子周

漢高祖

蕭鄼侯 何

張留侯 良

漢文帝

漢武帝

東方朔

司馬遷

漢宣帝

漢光武

鄧高密侯 禹

漢明帝

郭有道 泰

蔡中郎 邕

霍博陸侯 光

楊子雲 雄

嚴子陵 光

馬伏波 援

漢章帝

徐孺子 穉

漢昭烈帝

諸葛武侯 亮

關壽亭侯 羽

魏太祖

鍾太傅 繇

司馬宣王 懿

吳大帝

周公瑾 瑜

晉武帝

晉元帝

王司徒 導

謝文靖公 安

王右軍 羲之

陶彭澤 淵明

謝康樂 靈運

宋武帝

宋文帝

檀永興公 道濟

魏高祖

齊武帝

梁武帝

程忠壯公 靈鏡

昭明太子 蕭統

陳武帝

周高祖

隋文帝

文中子 王通

韓新義公 擒虎

上卷目錄畢

盤古像



盤古贊

厥初洪荒

渾沌一氣

爰有聖神

莫究其自

手斡日月

劃開乾坤

萬彙攸始

拓我化原

伏犧像



伏犧贊

羲皇聖神

開物成務

畫卦造書

文字之祖

神明以通

造化以宣

萬世道統

茲其發源

神農像



神農贊

嘗穀教民

爰制農事

爰有醫藥

民鮮痲厲

養生大端

惟皇之仁

澤流無窮

與天地均

倉頡像



倉頡贊

上古淳朴

結繩以治

有聖者作

始立文字

貫徹三才

包括萬象

通鬼神情

泄天地藏

黃帝像



黃帝贊

帝生神靈 卓冠首出

爰制器用 爰造律曆

天地萬物 範圍曲成

混沌既分 漸登文明

少皞像



少皞贊

制治感瑞
樂成大淵

以和神人
以通山川

淳朴未漓
去古未遯

九黎雖頑
莫損至德

顓頊像



顓頊贊

智踈以達

德深而靜

肅清神人

民志以正

稽天創曆

定時考元

夏令式遵

後聖善焉

帝嚳像



帝嚳贊

惟帝聰明

知遠察微

執中御世

仁威並施

其德嶷嶷

其色郁郁

式脩厥身

九有咸服

帝堯像



帝堯贊

配地博厚

並天高明

渾渾莫測

蕩蕩難名

百王之準

羣聖之祖

日月光華

照徹九土

帝舜像



帝舜贊

大孝格天

玄德配帝

精一執中

聖學攸始

煥乎文章

巍乎成功

千萬世下

仰瞻無窮

皋陶像



皋陶贊

盛德冠廷

偉績邁世

颺言賡歌

陳謨贊治

明刑弼教

民用協中

風動之休

帝嘉汝功

后稷像



后稷贊

洛水初息 民猶阻饑

粒食惟艱 帝用是咨

后稷勤民 爰教樹藝

克配彼天 萬世之利

契像



契贊

惟君作民 克綏厥猷

逸居禽獸 聖心所憂

爾契司徒 敬敷五教

牖民天衷 俗用熙皞

大禹像



大禹贊

聲律身度

左繩右矩

地平天成

功在萬世

治存典則

道叙龜疇

稽首明明

示我大猷

啓王像



啓王贊

啓王令善

厥亦惟君

伐叛飭治

休于前人

仁賢譽孚

遐邇承德

會朝萬邦

光昭簡冊

商湯像



商湯贊

勇智天錫 寬仁性成

允執厥中 勳華是承

再闢天網 復立人紀

盤銘之言 聖學之軌

伊尹像



伊尹贊

耕莘樂道

升陞行義

堂堂天民

以覺斯世

主善協一

精義奧辭

百聖真傳

庶其在茲

商高宗像



商高宗贊

高宗穆穆

肇迹幽潛

恭默思道

精誠格天

奮伐僭虐

萬邦是若

王靈濯濯

湯孫不作

傳說像



傳說贊

道成傳岩

夢感帝賚

啟沃數言

學術之大

輔德作聖

媲美烈祖

庶幾阿衡

亦踵其武

秦伯像



秦伯贊

周室將興

篤生聖嗣

子不難讓

默識天意

去國之迹

泯於無形

可謂至德

民無得稱

周文王像



周文王贊

於穆文王

純一不已

道接義皇

重爻演義

神化無迹

至德不形

大哉乾元

穹然高明

武王像



武王贊

赫赫周武

巍巍大君

奉天伐罪

訪道明倫

聖闡其化

皇立其極

於惟烝哉

萬世承德

伯夷像



伯夷贊

求仁得仁 去國如履

叩馬一諫 君臣大義

乾坤清氣 萃子一身

獨立萬古 邈焉無倫

成王像



成王贊

緝熙聖學

禮隆師臣

外撫萬邦

內和兆民

坤闔乾開

春生秋殺

千古魏魏

式仰鴻烈

周公旦像



周公旦贊

穆穆元聖

道光八贊

允戾頌德

重譯歸仁

思兼勤施

經制大備

太平之業

賚及萬世

召公奭像



召公奭贊

際時明良

弼亮四世

敬德之訓

聖學斯契

公旦夾輔

翱翔兩驂

甘棠遺愛

百世不諼

太公望像



太公望贊

尚父鷹揚

實維王佐

行義達道

拯民水火

輔德訓告

厥有丹書

義利之言

萬世莫渝

康王像



康王贊

恪慎明德

肅恭神人

迓天明威

勤咨老臣

禮樂陶鎔

民俗丕變

唐虞泰和

千載復見

管大夫仲像



管大夫仲贊

假仁圖伯
尊王斥戎

民受其賜
聖與其功

治國長才
卓有令聞

四維之言
可以為訓

老子明像



老子

明
贊

履柔制剛

執虛御實

窺測消長

竊弄闔闢

恍惚莫象

變通無窮

孔聖所嘆

其猶如龍

子產像



子產贊

鄭國聽政

賢者唯子

辭令之善

酬酢之智

以禮治國

諸侯莫加

君子道四

聖人所嘉

吳季子札像



吳季子札贊

見禮知政

聞樂知德

觀風列國

無子精識

讓國全義

掛劍酬心

懷哉高風

無古無今



